



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

XXVI. Burchard von Berge bestätigt als Vicar des Bischofs von Verden, daß der Domherr Johann Hildebrand, genannt Teufel, zu Stendal, die von dem Kloster Dambek gekauften Hebungen aus Heiligenfelde ...

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

ac dominum dominum Ottonem tunc Episcopum Verdensem, nunc verò Archiepiscopum Bremensem confraternitatem ratificatam et eandem iustam piam et deuotam fore inuentam cum omnibus suis bonis — confirmamus fraternitatem in Sehufen. — Datum Soltwedel, anno domini MCCCC, tertio, mensis Maji die vicesima septima, Vicariatus nostri sub sigillo presentibus impenso.

Der Inhalt stimmt mit der Bestätigung von 1395 überein.

XXVI. Burchard von Berge bestätigt als Vicar des Bischofs von Verden, daß der Domherr Johann Hildebrand, genannt Teufel, zu Stendal, die von dem Kloster Dambeck gekauften Hebunggen aus Heilgenfelde dem Bartholomai Altare in Seehausen geschenkt hat, am 26. Febr. 1404.

Nos Borchardus de Monte, Reuerendi in cristo patris et domini, domini Conradi Episcopi Verdensis vicarius in spiritualibus generalis, coram vniuersis et singulis presentibus et futuris publice recognoscimus per presentes, Quod honorabilis dominus Johannes hildebrand alias dictus duuel, Canonicus ecclesie sancti nicolai in Stendal, halberstadenſis dyoecesis, Ad laudem et honorem omnipotentis dei et in remedium omnium fidelium animarum, Ad altare beati Bartholomei apostoli siti et fundati in ecclesia parochiali Sehufen Verdensis dioecesis redditus annuales trium marcharum argenti stendalenſis valoris et warandie de duodecim fructis ipsius precarie in villa hilghenuelde, que iacet apud Monasterium in Arneſſe dicte Verdensis dioecesis, In festis beati Martini et beate Walburgis virginis singulis annis per colonos dicte ville, videlicet in festo beati Martini de quolibet frusto quinque solidos denariorum monete soltwedelenſis et vnum modium siliginis, vnum modium ordeï et vnum modium auene, Et in festo beate Walburgis duos solidos cum dimidio denario dicte monete soltwedelenſis de quolibet frusto perfoluendos, quos quidem redditus a deuotis in cristo preposito, Abbatissa, priorissa et conventu Monasterii in Dambecke ordinis Cisterciensis sepedicte Verdensis dioecesis rite et debite emit et comparauit, motus deuota pietate, ut nobis exposuit, donauit ac eidem altari in donacionem perpetuam assignauit. Quare dictus dominus Johannes nobis humiliter supplicauit, quatenus donacionem et assignacionem de predictis redditibus trium marcharum argenti, per ipsum sic, ut premittitur, ordinatam, dignaremur auctoritate Reuerendi in cristo patris et domini nostri Episcopi Verdensis nobis in hac parte commissa ratificare et approbare et ad perpetuam rei memoriam confirmare. Nos uero iustis petitionibus sepedicti domini Johannis non immerito specialiter inclinati sepedictos redditus trium marcharum argenti dicti Stendalenſis valoris et warandie ad dictum altare sancti Bartholomei situm et fundatum in parochiali ecclesia Sehufen ac eorundem donacionem et assignacionem ratificamus et approbamus ac in hiis scriptis in nomine domini confirmamus, districtius inhibentes vniuersis et singulis cuiuscunque status aut gradus existat, ne aliquid contra presentem confirmacionem nostram ausu temerario attemptare presumat, si et in quantum offensam omnipotentis dei et nostram coercionem ecclesiastice censure voluerit euitare. In cuius rei euidentis testimonium presentes nostras litteras fieri et Sigilli vicariatus nostri iussimus appensione communire. Datum Luneborch, Anno domini Milleſimo quadringentesimo quarto, mensis februarïi die XXVI^o.

Nach dem Orig. des Bresl. Universitäts-Archives.